

主 编 杨世钰 赵寅松

本篇主编 云保华 阿惟爱

大理丛书·族谱篇

卷 三



大理白族自治州白族文化研究所 编

云南民族出版社

大理丛书·族谱篇

卷 三

大理白族自治州白族文化研究所 编

云南民族出版社

图书在版编目 (CIP) 数据

大理丛书·族谱篇/杨世钰, 赵寅松主编; 云保华, 阿惟爱
分册主编. —昆明: 云南民族出版社, 2008. 12
ISBN 978-7-5367-4337-3

I. 大… II. ①杨…②赵…③云…④阿… III. ①大理白族
自治州—概况②氏族谱系—概况—大理白族自治州
IV. K927.42 K820.9

中国版本图书馆 CIP 数据核字 (2008) 第 209572 号

DALI CONGSHU · ZUPUPIAN

大理丛书·族谱篇

云保华 阿惟爱/主编

策划编辑 高力青 岳 坚 杨浩林

责任编辑 奚寿鼎 段 波

封面设计 何志明

出版发行 云南民族出版社

(昆明市环城西路 170 号云南民族大厦 邮编: 650032)

邮 箱 ynbook@vip.163.com

印 刷 云南省地矿测绘院印刷厂

开 本 889mm × 1194mm 1/16

总 印 张 198

总 字 数 5000 千

版 次 2009 年 6 月第 1 版

印 次 2009 年 6 月第 1 次

印 数 0001 ~ 1060 (套)

ISBN 978-7-5367-4337-3/K · 1146 定价: 4160.00 元 (共 5 卷)

数字资源
PDG

大理叢書

楚圖南題



主 编 杨世钰 赵寅松
本篇主编 云保华 阿惟爱



目 录

剑阳何氏族谱	(1251)
巍山李氏族谱	(1285)
洱源李氏族谱	(1329)
和顺李氏宗谱	(1365)
剑川县南门街忠义巷苏氏家谱	(1381)
祥云张氏家谱	(1393)
大理史城张氏族谱	(1423)
鹤庆张家登张氏族谱	(1457)
和顺钊氏宗谱	(1485)
蒙化范氏族谱	(1505)
剑川欧阳氏家谱	(1629)
剑川陆军中将杨公竹君墓表	(1641)
剑川杨氏宗谱	(1651)
杨母陈太夫人哀启	(1699)
弘农杨氏统宗世系族谱	(1711)
鹤庆留馥堂杨氏宗谱	(1791)
家乘简谱辑录（杨、张、谢、扁、母比）	(1821)
祥云周氏宗谱	(1837)

Contents

He's Genealogy in Jianyang Village	(1251)
Li's Genealogy in Weishan county	(1285)
Li's Genealogy in Eryuan county	(1329)
Li's Genealogy in Heshun	(1365)
Su's Genealogy at Zhongyi Alley, Nanmen Street in Jianchuan county	(1381)
Zhang's Genealogy in Xiangyun county	(1393)
Zhang's Genealogy in Dali Ancient Town	(1423)
Zhang's Genealogy in Zhangjiaden Village in Heqing county	(1457)
Chuan's Genealogy in Heshun	(1485)
Fan's Genealogy in Menghua	(1505)
Ouyang's Genealogy in Jianchuan county	(1629)
Epitaph of Lieutenant General Yang Gongzhu in Jianchuan county	(1641)
Yang's Genealogy in Jianchuan county	(1651)
Ms Chen, Yang'smother in Jianchuan county	(1699)
Yang's Genealogy in Hongnong Village	(1711)
Zhang's Genealogy in Zhangjiaden Village in Heqing county	(1791)
Genealogy ana of Yang, Zhang, Xie, Bian and Mubi	(1821)
Zhou's Genealogy in Xiangyun county	(1837)

剑阳何氏族谱



目 录

简 述
剑阳何氏族谱引
何氏族谱辨
鹤归山碑
纶恩诰封
文 录
太仆公墓志铭
诗词楹联录
何氏宗族世系
后 记



简 述

阿惟爱

剑阳何氏族谱，乃何氏族人于二十世纪 90 年代初所编修。该谱载有族谱引、族谱辨、鹤归山碑、诰封、文录、墓志、诗联、世系表及后记等文。

剑阳何氏远祖乃何履光，原籍湖广武昌府江夏县人氏。唐时，任广府节度使。唐天宝十三年，奉命征南诏，佐都督李宓伐蒙氏，因兵败而陷于南诏。公十六传而至何光，生何诚、何谏，谏居大理庆洞庄，诚居剑川。据何谱，诚生何景阳，景阳充剑川掾，遂籍居剑川而为剑阳何氏一世祖。何景阳生五子，第四子何桂枝，明诰赠中宪大夫监察御史太仆寺卿。桂枝生四子，长子何可及，官巡抚七省漕运、两浙巡盐，陕西道监察御史、太仆寺卿。剑阳何氏，自一世祖景阳公迁居剑，今传至十七代，历四百多年。

剑阳何氏族谱，何氏四世祖何盛基曾编修。二十世纪 40 年代，十一世祖何宗仁、十二世祖何铸、何汝霖、何锬等，又收集碑文记序，为之整理世系，列之于宗祠。至二十世纪 80 年代末，何氏十二、十三、十四世孙，继之考察墓碑，编修成今谱。

剑阳何氏族谱，乃手稿本，编纂次欠规范，时有脱误、衍文，今按本篇辑谱要求，予以整理，世次亦有所略，以资参阅。



剑阳何氏族谱引

尝观水滔滔不息，木蓁蓁而发荣，非水有源而木有本，何得至此？人生世上，祖、父、子、孙而瓜瓞绵绵者，自有其源与本，不穷其源本而仅见目前可乎？兹何氏谱系余已历叙于祖祠，支派攸分，姓名细注。诚恐日久，异姓乱宗，宗支合配，不惟有害天伦，兼且沉沦禽兽。余是以不憚屠口晓音，历历记明。愿后生子弟，取名统之族长，免其触犯前辈。结亲询其来历，云历防身，有碍伦理。族众人多，谨小慎微。此莫非思水之源，反木之本，尔炽尔昌，有不从中得哉。亮星关切祖宗，以卫阖族，垂老立盟，伫期后效，故特为引。



何氏族谱辨

剑川何氏一支，考之大理鹤归山碑，出于何诚之后。自何景暘充剑川掾，遂家于剑。景暘生柱枝云云，此何氏剑川之支派也。独是何氏未至剑以前，谱系欠考。自诚至景暘其间疑有缺遗焉。未审景暘与诚为子乎？为孙乎？为曾孙乎？且诚与谏俱系光之子。而剑川后裔，岁时奉祀，又有何钦、何逊之主与诚并列，而鹤归碑又无钦、逊之名，此先世缺略，无从的据。尝以庆洞庄何谏一支考之，谏生四子：长敬进、次揖、三福懋、四禄，俱各有后。但敬进、揖、福懋三人之后，俱系业农，不出闾里，亦访之不出。惟禄生瑞，瑞生清、明，清生文极，明生文柄。文极登万历丁丑进士，其子孙与剑川一支相往来。太仆公登己未进士时，文极公犹在。文极于太仆公为族叔祖，太仆于文极为族孙。自谏至文极凡五世，以此考之，诚与景暘之间，其世代必有缺遗者。若景阳为诚之子，则自诚至桂枝，仅三代，至太仆仅四代，而谏至文极已五世。据世次以推，则太仆反为叔，而文极反为侄也。而太仆当时已以叔祖呼文极，是太仆与文极孙有坊、有泽等为一辈，等而上之。自有泽辈上溯，何谏凡七代，则由太仆公上溯何诚亦当有七代，而自诚而下至太仆可考者，仅四代，则诚与景阳之间当遗三代也。又，按鹤归山元府判官墓碑立于元至正三十九年，碑上载诚、谏之名。考之通鉴，至正二十八年元亡，天下归明，至正二十八年即洪武元年也，而碑称至正三十九年者，滇未入明版图，犹奉元正朔。其实至正三十九年，即洪武十二年。自洪武元年戊申至嘉靖四十年己酉，计一百八十三年，而封翁桂枝始生，前此一百八十三年之间，不应仅有诚与景暘二代也。先辈凋落已尽，基盛后生，无从考询。每一念及，慨然遗恨，固知谱系不可少也。

基盛 谨识



鹤归山碑

公讳祐，字天锡，系出唐履光将军之后裔。谨按郡志，唐天宝十三载（公元755年），玄宗命云南郡都督兼侍御史李宓、广府节度使何履光出师伐蒙。蒙氏遣段附克、杨榜隆将兵拒之于邓川，李宓败绩，何履光力屈请降兵。中国寻遭安禄山乱，不暇勤远，履光遂陷于南诏，侨居邓川焉。八世孙有若坚者，南诏官之以布燮，犹唐之宰相也。建觉济塔寺，并请苏库铜佛五。坚生泰，字隆道，仕至监国侯。泰生胜，胜生兴，元取大理，公臣之。兴生陵，陵生通。通生生，构精舍于圣元寺，延缙流置寺田，乃判官之若也。母，国师张智之女，皇庆（元仁宗年号）壬子（公元1312年）岁，生判官，性纯笃，声色不能淫，威武不能屈，博雅古今，以道义循其中，以忠勇昭于外，相国段敏公以礼待之。有战功，授登仕郎判顺宁府。承乎上也，不见其怠，接乎下也，不见其忽。灭视功名，若脱敝屣，乐乎亩垄之中，而将考终焉。洪武己未（公元1379年）春三月七日，享年六十八。越三日，葬鹤归山之阳。事妻杨氏生男曰光，为永平县令，女曰凤适鹤庆路经历杨勇。孙男曰诚、曰谏，孙女秀尚幼。是年（公元1379年，明太祖洪武十二年）九月既望，光与经历董文宝、杨国宝，执帛请铭于太初庵。昔者，观其所以而知在上之德；今者，观其所以而知在下之诚。呜呼，讵容不书。铭曰：处斯职兮玉洁，种德泽兮兰馨。归乎山兮驾鹤，卜宅兆兮其安。

洪武十二年己未菊月 吉旦 孝子光 孙谏 同立。 荡山僧 法天撰
大明嘉靖十四年乙未仲春 吉旦 玄孙清 重镌



纶恩诰封

(一) 陕西道监察御史何可及偕父、母、妻氏诰命

奉天承运，皇帝敕曰：柱下史居侍从之班杰出他署，盖以圭表百吏纠绳四方，任至重也。故惟选自循卓，不茹不吐，以劲节耸天下，乃可以胜其任焉。尔陕西道监察御史何可及，仁心煦物，直气摩空，中士再更，令闻四达，品鉴多收，夫桃李辀轂备载乎。甘棠旋以内徵，寄之言责，敷陈中窾，洞悉消长之源，弹拭择无私，立扫奇回之迹，埋轮已清乎。輶轂持竿将偏乎郊圻，盖万壑层冰，实以澄清为念，而九苞威凤非缘，搏击见长。曩传玺见于尔郊，已徵瑞应，今神珠蔚为国庆，可缓褒崇。兹以覃恩仍授尔阶文林郎，锡之敕命。昔唐肃宗言，吾得李敏而朝廷始尊，谓其骨鲠魁垒，自有不言而信者，匪口舌为忠说也。尔坚明挺劲，朕悉之，为今时而今益表矣。尚其历风裁融，偏比以赞维新之治。钦哉。

敕曰：夫士也，修身行道，显名当时，畴不愿之，然有数焉。不得志于今日，则留传其福于后。于是燕其子为谏官，发祥抑仰雪烁哉，而良足嘉矣。尔儒官封文林郎、河南彰德府磁州涉县知县何桂枝，乃陕西道监察御史何可及之父，行有坊表，心无町畦，克闾毓庆，蜚凤麟之英子。舍承欢笃，乌鸟之性，纫杜蘅以为带，滋兰芷以当阶，邑吏宣慈，台臣敢谏，掀帷澍雨推恩。其悉乎民瘼，直简飞霜，拾遗良裨乎。帝袞貽谋，可谓戩穀介寿，何愧灵椿。兹以覃恩仍封尔为文林郎、陕西道监察御史。尔子为良吏，既疏恩矣，而再命俨然，匪阶岁阅宁非荣遇乎，惟尔允宜，尚其歆受之。

敕曰：朕闻玉水芳流，璇源圆折，言夫所托者异也。今人有子执法殿中，肃清皇路而不溯，其慈泽焉，托根之谓何。尔赠儒人李氏，乃陕西道监察御史何可及之母，植仪肃令，布德慈和。贫拟采繁之规，爰恭宾饷；俭修捋荼之蓄，允蹈闺彝。雪案频匡，天衢发轳。北堂休归乎萱树，南床喧赫乎兰仪。于子心不能无介，然惟国庆乃可以荣。尔是用仍赠尔为孺人，芝纶焕斑彩之光，蕤露贲黄垆之泽。

敕曰：士下帷以逮通籍，所恃纾内顾之忧，惟是食贫之佐，相叶和鸣耳。然而，徽音有寂寂焉者，朕体谏臣牵帷之戚，而疏庸以畀之，志不忘也。尔陕西道监察御史何可及妻赠孺人李氏，恭如集木，洁似餐冰。孝敬惟虔，凛气声而俱下；翱翔交敬，綏膏晷以犹勤。勉尔同心，凄其中路。祥开乌府，晓霜式起于空帷；宠锡燕私，明月虚悬于杂佩。眷斯内德，歌吝追崇。是用仍赠尔为孺人。贲纶音于再被，光懿范于九原。

(二) 七省漕运太仆寺卿何可及偕父、母及妻李氏、史氏诰命

皇帝诏曰：朝廷欲知天下利病，吏治善败，惟一二执法之臣，以为朕视听也。故能以天下事入告于内，而因以谕朕意于外，则可谓能其官矣。矧急转输而资军国，劳勋特著，褒崇可后耶？尔太仆寺少卿，仍管陕西道监察御史何可及，志行清贞，才犹敏练。循良茂绩，十奇争美于鳬翔；蹇谔蜚声，六察式资于鸟集。朱衣怀谏草，挟正气而历风霜；白简露弹章，揭清光而开日月。爰充星使，直压波臣。秉

笏节以行，数千里淮河利济；驾鸢乘且止，四百万供忆遄飞。共饮舟楫之长林，克副庙廊之鉅任。跃龙骧骥，应凡马之空群；扶轂御天，睹奔蹏之辟易。觐尔干局，允为国祯。兹以覃恩，授尔阶中宪大夫，锡之诰命，尔尚益殚嘉猷，翼予新政。重绅魏阙，务输耳目之精忠；曲厩天闲，更竭股肱之远力。嗣有显陟，答尔成功。钦哉！

制曰：士以儒称，其潜植者既深，其滋荣者必远，固不在善身谋，收近效也。乃有佑启后人，用作朕耳目者，则实籍貽谋燕翼矣。尔原封文林郎陕西道监察御史何桂枝乃太仆寺少卿，仍管陕西道监察御史何可及之父。恬修素履，直道还醇。行谊不愧古人，孝友夙成天性。谏鸿矫矫，雅不授彼樊笼；雏凤翩翩，赓已冲兹霄汉。蜚声民牧，正色谏垣。袖里弹文，即是诗书庭训；囊中疏草，无非忠孝嘉谟。钟鼎方殷，依紫微之日月；耆硕愈茂，傲元圃之烟霞。兹用封尔为中宪大夫太仆寺少卿。王言永服如丝，寿祉骈臻酌斗。

制曰：母以子贵，礼有常经。子业已膺柱史，赞尧阶，乃使追念庭萱，徒怀线缕，将锡类之典谓何？尔原赠孺人李氏，乃太仆寺少卿，仍管陕西道御史何可及之母。勤俭为质，慈孝作经。黽勉同心，成儒流之高尚；柔嘉主馈，表内则之令仪。麟趾钟祥，天池发迹。宣慈抚子，乐郊呈见玺之祯符；著直纠绳，帝里驰埋轮之骏誉。眷尔本坤贞而应地肆，予宜鼎命以承天。是用特加赠尔为恭人。纶音增坊斧之光，瓜瓞衍簪纓之庆。

制曰：士当攻苦下帷时，矢志摩霄，惟荆布之贤与共。及身都通显，而不获食报，断弦遗佩，怆然其怀，恃有杨微之典，以报泉下耳。尔太仆寺少卿，仍管陕西道监察御史何可及妻，赠孺人李氏。柔静宜家，温恭若性。调羹配而饬七著，孝媚尊嫜，工织红以赞缣纁，勤相天子。方矢白头之咏，允矣同心；忽乖缘鬓之期，伤哉中道。连枝早折，惜丽影于柏台；比翼分飞，怅芳魂于鸟府。德音如在，宠命宜隆。兹特加赠尔为恭人。祇承三命之荣，永耀千秋之誉。

制曰：人臣执简而入，持笏而出。夙夜在公，义下复顾其私。非内有能妇，曷足任闾政，免内恤，则弗翟偕绣衣并著矣。尔太仆寺少卿，仍管陕西道监察御史何可及，继室史氏。毓自名门，偃于哲士。弦续和鸣之韵，克绍前徽；蘋将孝敬之仪，善持中馈。识超笄黛，贵不忘勤，志谢铅华，贤而茹淡。轧轧以砺补衮，襄风烈于绣衣；垂垂而砥素丝，佐霜华于白简。兹特加封尔为恭人。茂眷握兰之秀，不光列柏之荣。

崇祯元年八月 日

